

政府公報

(影印本)
第二冊

一九一二年六月

第32号至61号

中國第二歷史檔案館整理
上海書店出版
南京古舊書店發行
華東工學院教學服務中心影印

中華民國元年六月初一日星期六第三十二號

政府公報

發行所

北京東長安牌樓王府井大街
電話東局二百零一號

目錄

命令

部令

內務部部令

呈批

教育部批張煜請審定算圖讀玉鑑隨筆呈

教育部批直隸高等商業學堂前送北洋師範

生月恒所繪中國詳細分圖續請審定詳文

農林部批設蠶桑公司請撥公款以資試辦稟

公文

內務部呈請以呢爾巴羅薩散丹補放噶勒丹

錫呀圖呼圖克圖之商卓特巴扎薩克喇嘛

文

內務部呈請以喇嘛寺達喇嘛巴拉根加布補

放扎薩克喇嘛文

山東都督周自齊呈復高等檢察長虞維銘電

呈冀積柄陳業各節查無實據無庸置議等
文

開缺殺虎口監督譚順呈報宣統三年監督任

內連開一年開期經征開稅收支數目並動

用存項數目乞飭部核銷文附清單二

農林部咨復廣東都督安定農會章程文

附錄

參議院第十一次會議速記錄

廣告

命令

部令

內務部趙總長令

總長令本部官制尚未決議所有兩京內務部投到之張友棟 伍晨 鄭毅權 許家恒 居文哲 陳玉潤 趙璧 饒光民 陳濟 許允 趙世晉 趙燭黃 金體選 孫潤畲 吳彤華 羅則遜 萬樹芳 向迪琰 陶祥熙 景亮鈞等二十員暫留本部爲辦事員於六月一號先行到署辦事此令

呈批

教育部批張煜請審定算橋讀玉鑑隨筆呈

批據呈及書均悉查該書非教科所用不在本部審定教科圖書暫行章程第一條範圍之內儘可自由發行毋庸呈請審查亦不必載明經本部審定字樣原書三份統發還此批

教育部批直隸高等商業學堂前送北洋師範生月恆所繪中國詳細分圖續請審定由

批據詳並圖均閱悉查該師範生所繪中國詳細分圖區畫分明頗便教授之用惟人文地理時有變遷教授掛圖須與教科書相應乃稱適用該圖於前清末年所改併之州縣已間沿舊稱況值民國肇新一切政治區畫及地方名稱尚未確定從前地理教科書已多不合用亟待重編該圖遽備出版將來修改轉覺為難應俟中央政府官制及地方制釐定後再行詳細訂訂呈部審查原圖全分發還此批

農林部批設蠶桑公司請撥公款以資試辦稟

稟悉北方地形高燥宜於植桑飼蠶該生等所陳各節尙屬留心蠶業唯蠶桑公司性屬營業如果確有利益儘可招股籌辦所請撥給公款試辦一節礙難准行此批

政府公報

六月初一日第三十二號

公 文

內務部呈請以呢爾巴羅藏散丹補放噶勒丹錫呼圖克圖之商卓特巴扎薩克喇嘛文

爲呈請事據喇嘛印務處呈報勒勒丹錫呼圖克圖之商卓特巴扎薩克喇嘛那木凱噶爾瑪於光緒三十一年三月因病出缺彼時該呼圖克圖尙未擊瓶該倉亦未敢舉行公舉現在該呼圖克圖業已入寺不久來京所有京外各倉自應揀選商卓特巴扎薩克喇嘛一人以資管轄此缺爲呼圖克圖倉務之缺不支銀米其揀放向由該呼圖克圖揀選現據揀選得本倉呢爾巴羅藏散丹人明白經卷好堪以擬補此缺本印覆核無異理合呈請核辦等因前來本部核與例案相符擬請即以呢爾巴羅藏散丹補放噶勒丹錫呼圖克圖之商卓特巴扎薩克喇嘛查此項事件向歸奏案除咨行國務院查照外理合呈請 大總統批示遵行謹呈 批據呈已悉應即照准此批

中華民國元年五月二十七日

大總統蓋印 唐紹儀署名

內務部呈請以剛福寺達喇嘛巴拉根加布補放扎薩克喇嘛文

爲呈請事據喇嘛印務處呈報查護國寺扎薩克喇嘛烏爾吉巴雅爾因病出缺所遺扎薩克喇嘛係屬公缺惟查現在呼圖克圖堪布等均無人自應於蒙古唐古忒漢人達喇嘛內揀選充補今本印揀選得剛福寺達喇嘛巴拉根加布當差年陳經卷亦好堪以補放公缺扎薩克喇嘛等因呈報前來本部核與例案相符擬請即以剛福寺達喇嘛巴拉根加布補放扎薩克喇嘛查此項事件向歸奏案除咨行國務院查照外理合呈請 大總統批示遵行謹呈

批據呈已悉應即照准此批

中華民國元年五月二十七日

大總統蓋印 唐紹儀署名

政府公報 公文

六月初一日第三十二號

山東都督周自齊呈覆高等檢察長虞維鐸電呈龔積柄陳業各節查無實據無庸置議等文

爲呈覆事據署提法使何謂詳稱案查前奉司法部條電內開奉 臨時大總統片交據山東高等檢察長虞維鐸電呈龔積柄百計傾陷陳業朦混回任各節交司法部電飭山東提法使切實查辦原電併發等因相應電交山東提法司切實查辦毋稍徇隱并將查辦情形詳覆虞維鐸原電併發等因到司正在查辦間復奉前署都督余札開案照現奉 臨時大總統命令據署山東高等檢察長虞維鐸呈稱審判廳廳丞龔積柄草菅人命敗壞法紀造謠傾軋各節飭山東都督山東提法使秉公查明呈候核辦原呈抄給閱看此令等因奉此查前奉電令當已交給該司查核辦理在案茲奉前因合行札飭該司查照等因并奉內閣抄寄 臨時大總統命令飭令查辦到司奉此查此案前署山東高等檢察長虞維鐸呈稱草菅人命各節與電稱百計傾陷各節事實則詳略相同法理則爭執無異自應併案確切查辦以昭覈實如原呈內稱山東審檢各廳暨看守所較曩日發審公所府縣監獄腐敗尤甚一案成訟非傾家破產即瘐死獄中其故悉由于廳丞龔積柄不解法制謂檢察官不能干涉訴訟致檢察機關成爲虛設聽其肆意妄爲遇稍有勢力者之訴訟非得該廳丞自由心証之意旨不能判決徇情違法道路喧傳雖暮夜贈金難根確據而干託緘件常見卷中拖累牽連羈押盈所死亡相繼恬不爲怪一節查山東審檢各廳自前清宣統二年十二月成立司法改良實資模範當經前升提法司胡建樞督同各廳切實進行審判與司法行政原有區分該廳丞職司行政例無干涉審判權限其有案情重大由各庭推事評議稟商廳丞容有其事若謂該廳丞自由心証徇情違法不免言之太過至該廳承審案件或因調查證據函件問答藉圖省便事屬恆有調查該廳卷宗如瑞記洋行控訴聚成永等案內均載有往還函牘事屬因公尙無干託證據該高等廳各庭推事于收受案件隨到隨審或因證據未充或因人証未到未能即決不能不將重要人犯交所看管尙無拖累民人傾瀉家產事實該看守所由地方審判廳直接管轄因高等地方及濟南商埠審檢六廳同設一處六廳人犯即同羈一所辛亥終年共止病斃刑事人犯十名內止周德仁由乘譜二名係高等廳發押之犯如原呈內稱該廳丞最殘忍者或其人已死定成斬決罪名

或命在垂危昇至監獄補判舞文弄法更僕難終故處決之犯往往復到日人早物故即核所擬情真罪確指駁無隙不知其捏造供勘在該犯已死之後總計去年終歲瘐死者多至二百九十餘人一節查高等廳辛亥年承審發所病故人犯二名並無二百餘名之多所呈瘐死人犯當兼模範監獄而言該監開辦之初時疫流行并因監房甫經落成潮氣未乾由舊監遷移及州縣解到入犯陸續寄監一年之內計病斃三百餘名或係留監候示或係飭發寄監亦非均係高等廳承審提審案件該監甫經改良收此惡果當經前升提法使胡建樞將前典獄官吳淪記過撤差其餘守衛庶務各員分別撤換隨時整頓期收實效至病故人犯先經各州縣第一審判斷罪名因有餘犯未結提起上訴交廳覆審寄監病故如該廳提審章邱縣盜犯李吳仔等平原縣賊犯李成仔等各案均照例將所犯罪名隨案擬結並聲明毋庸置議字樣若已決人犯係由檢察廳相驗擬結呈部覆核更無補判舞文之事其有部覆到日人早物故亦因模範監獄辛亥年病斃較多間有驗報尚未達部即奉部文執行況相驗係屬檢察職權而供勘多由州縣呈報亦無捏造實據如原呈內稱該署檢察長按照法制竭力整頓以圖補救惟龔積柄不得為所欲為遂造謠傾陷層出不窮置未與較孰料王化廷謀炸吳炳湘一案發生伊復逞故智思激變端該檢察長聞譚紳奎翰因案拘留將交執法營務處審訊即派廳員前往偵察一面協商該處准保候質一面緘告紳商具狀保釋乃譚紳業已保出龔積柄仍用正式公文誣為附和吳炳湘逼供株連以逞慘殺並囑畫報繪載其事冀淆視聽一節查前巡警道吳炳湘於元年三月二十一日在途被王化廷擲放炸彈訊諸王化廷供認由北京攜帶炸彈來東投譚紳奎翰之弟譚奎麟家謀殺警道不諱吳警道當傳譚紳奎翰至警署拘留數日旋經紳商具保開釋一面詳報前張督將王化廷先交執法營務處訊問嗣交高等檢察廳解送北京依法審判而龔廳丞以此案本應交司法衙門審理吳警道擅訊不應訊之案破壞法律先期呈奉臨時大總統命令查辦案由本署司將詳細實情查覆在案維時處檢察長龔充警署科長龔廳丞原呈有虞維鐸令檢察官誘致推事赴營務處常審龔溫慘殺之語所謂正式公文誣為附和以逞慘殺想即指此案而言龔廳丞原呈又有吳警道要求張都督委用私人虞維鐸署理高等檢

察長品行卑污君子不齒等語所謂造謠傾陷者或亦指此此案發生之時龔廳丞與虞檢察長適有口角爭執情事於元年三月三十日聲明畫報載有以柄擊鐸一則飭查亦無龔廳丞囑使實據如原呈內稱該署檢察長恐遭穿害懇請開缺未邀允准乃龔積柄忽趁余張兩都督交代之際密謀排擠代陳業續假廉混批示准其回任陳業得批即令典簿洪作璋抄送前來意在接任一節查檢察長陳業於上年陰歷十二月初八日請假兩個月回籍省親前張都督電呈 臨時大總統命虞維鐸署理斯缺至元年三月杪虞檢察長即電請開缺奉 臨時大總統命令慰留因患咯血復函請余署都督給假十天再行開去署缺一面咨司委省城地方檢察廳長郭廉代拆代行維時陳檢察長兩月假滿由海道行抵天津感冒風寒未罷就道在津具稟續假十天派差夏有高持稟赴山東都督府投呈並非龔廳丞代遞四月初八日陳檢察長行抵濟南稟請銷假余署都督當查虞檢察長先已請假陳檢察長銷假回東擬飭回廳任事分別呈報 臨時大總統暨法部鑒核並行該廳知照陳檢察長當即抄批送閱虞檢察長旋將印信送司由司交地方檢察廳長郭廉暫行收管以上各節由署濟南府知府車保成協同本署司切實查明無異等情到本部督據此查該檢察長虞維鐸所呈該廳承龔積柄百計傾陷以及敗壞法紀各節既據該司廣諮輿論並委車守協同確查類無實據應請毋庸置議至該檢察長陳業現既銷假回東應請准予赴廳供職以專責成前檢察長虞維鐸原係直隸候補人員應咨回原省錄用除咨司法部查照外所有查明虞維鐸呈龔積柄一案緣由擬合呈請 大總統鑒核示遵施行須至呈者

批據呈已悉即照所擬辦理此批

中華民國元年五月二十日

大總統蓋印 唐紹儀署名

開缺殺虎口監督謙順呈報宣統三年監督任內連閏一年關期經征關稅收支數目並動用存項數目
乞飭部核銷文 附清單二

爲呈報事竊監督任內經征殺虎口等處稅課截至宣統二年十二月二十九日止業將第一屆關期收支數目繕單呈報度支部在案茲自宣統三年正月初一日起至十二月三十日止連閏一年關期計征正額盈餘等項共庫平銀七萬四千零九十八兩零九分一釐又應存宣統二年稅銀等項庫平銀七萬九千二百零五兩一錢一分八釐內有宣統三年動用奉部指撥並預行呈解各項復經山西各路軍警團防印借籌撥餉需又值銀根奇絀提款貼水等款先後實動用庫平銀六萬六千八百二十六兩五錢七分二釐現屆仰任移交訖除隨案分別呈請度支部作正開銷及隨時聲明各局卡稅收減少各緣由照案開單統行送部候核外謹將宣統三年正月初一日起至十二月三十日止監督任內連閏一年關期經征關稅收支數目並動用宣統二年應存項下銀兩數目繕具清單恭呈 大總統鈞鑒伏乞飭部核銷謹呈

批據呈已悉交財政部查核辦理此批

中華民國元年五月二十七日

大總統蓋印 唐紹儀署名

謹將殺虎口一年關期自宣統三年正月初一日起至十二月三十日止連閏計十三個月收支數目分別柱繕具清單恭呈 鈞覽 計開 舊管 無項 新收 一年關期十三局卡共征正耗稅銀五萬六千六百七十八兩五錢六分五釐 又征正耗稅銀隨各局市價折合庫平銀一萬七千四百一十九兩五錢二分六釐 銀錢併計共征庫平銀七萬四千零九十八兩零九分一釐 內應征正額盈餘木稅等銀四萬六千九百四十九兩五錢八分 計額外溢征銀二萬七千一百四十八兩五錢一分一釐 開除 一遵解部庫盈餘銀二萬五千零五十二兩六錢二分六釐移交後任 內撥補大青山木稅銀兩歸化城托克托城落地木稅銀兩遵照併入征存盈餘項下 一正額銀一萬七千二百零三兩八錢七分一釐移交後任 一金銀庫飯銀二百五十八兩零五分八釐移交後任 一部科飯銀二百七十三兩另文呈解 一清冊飯銀八兩六錢六分七釐另文呈解 一發歸傳道馬價銀一千一百二十六兩一錢二分五釐 一支監督津貼照原

額一成開支銀四千六百九十四兩九錢五分八釐 一支監督津貼照發征二成開支銀五千四百二十九兩七錢零二釐 十三卡局用 一支大關河口局用銀四千九百八十四兩八錢四分八釐 一支殺虎口南門局用銀一百九十六兩七錢二分三釐 一支朔平五處局用銀三百三十四兩零三分八釐 一支甯魯口局用銀三百五十九兩三錢零五釐 一支得勝口局用銀二千九百四十三兩六錢七分 一支新平口局用銀六百一十三兩五錢二分六釐 一支高廟子局用銀四百二十四兩一錢四分七釐 一支河保營局用銀一千五百一十兩零二錢四分九釐 一支黃甫川局用銀五百二十九兩八錢九分四釐 一支歸化城局用銀四百三十一兩四錢四分 一支托克托城局用銀二百四十二兩三錢零一釐 一支西包頭局用銀一千五百零八兩 一支西鎮川局用銀六百零六兩零八分七釐 一支員司書巡出差赴局回關查邊盤費銀八百九十四兩三錢 一支委員津貼銀一千一百兩 一支司事津貼獎賞銀一千三百兩 一支書巡津貼獎賞銀一千二百兩 一支撫恤遇難司事巡役等銀三百兩 一支巡檢馬隊巡警等三處津貼銀一百二十兩 一支聽差獎賞銀四十二兩 一支赴京解款來回川資火食銀三百兩 統計額支活支局用銀一萬九千九百四十兩零五錢二分八釐 以上二十九款統共開除銀七萬三千九百八十七兩五錢三分五釐 實在 存儲候撥銀一百一十兩零五錢五分六釐移交後任 減成銀三百三十七兩八錢三分七釐移交後任 減平銀一千八百五十一兩二錢零七釐移交後任 計移交後任六款共庫平銀四萬四千八百一十四兩一錢五分五釐

議將殺虎口應存宣統二年關期自正月初一日起至十二月二十九日止計十二個月經征銀兩於宣統三年分別動用除業經隨案據實申報外所有動用移交各款數目繕具清單恭呈 鈞覽 計開 舊管 宣統二年關期應存項下 盈餘銀二萬三千一百七十六兩七錢九分二釐 正額銀一萬五千八百八十兩零五錢 金銀庫飯銀二百三十八兩二錢零八釐 存儲候撥銀三萬九千九百零九兩六錢一分八釐 以上共計庫平銀七萬九千二百零五兩一錢一分八釐 開除 奉部劉撥緩遠城將軍蒙旗賑款庫平銀

一萬兩 提前預解度支部庫平銀四萬兩 綏遠城將軍印領鄂爾多斯賑款庫平銀五千兩 綏遠城將軍印借朔平旗餉庫平銀五千兩 駐紮本堡大同鎮二旗馬隊印借餉銀庫平銀三千三百二十六兩八錢二分三釐 二旗馬隊代募關署防勇薪餉庫平銀二百四十四兩九錢八分九釐 本堡巡警營印借月餉庫平銀五百五十八兩三錢六分 河曲縣知縣印借民團經費庫平銀九百八十八兩原係市平一千兩 歸化城等處提取現款貼水庫平銀一千七百零八兩四錢 以上共開除九款計庫平銀六萬六千八百二十六兩五錢七分二釐 實在 一存尾數銀一萬二千一百四十兩零三錢三分八釐 一存金銀庫飯銀二百三十八兩二錢零八釐 共移交後任庫平銀一萬二千三百七十八兩五錢四分六釐

農林部咨復廣東都督安定農會章程文

接准咨稱廣東實業司擬訂本省農會章程呈請察核備案等因查閱該司所擬章程大致尙稱妥備惟其中有不宣於農會者不少如第三十一條農會代農民伸訴冤抑是直以公益團體侵害檢察官之權者是此種條文尙須斟酌現在本部關於農會法令頒布後再行遵照安定會章呈核相應咨復貴都督查照轉知該司飭遵可也此咨廣東都督胡

附錄

參議院第十一次會議速記錄

五月二十七日九時開議

議長吳景濂主席參議員出席議員八十三人

議長 今日新到安徽參議員王君慶雲陝西參議員陳君同熙常照地盤法抽定席次

九十六號 王君慶雲

百二十一號 陳君同熙

十六號 河南省之爭議案二十三日已列入議事日程因當時討論西蒙古問題致將此案延會今日議事日程何以並未列入

議長 所以並未列入者以 大總統交來各省應否自定約法一案與此案甚有關係本席擬俟 大總統交來之案審查報告後與此案一

同解決今日並未列入

秘書長報告各處電

議長 奉天來電詢問都督到省議會之席次應在何處本院應如何答覆請諸君研究便此後有再來問者可以有所根據

三十三號 此事無其關係可不必研究 大總統坐在議長之旁 五十二號 附議

九十一號 都督至省議會可仿照參議院 議長 照周君之說都督席次在議長之旁諸君想表同情

三十號 可照此答復在滿清時代諮議局內行政官席次各省督撫亦應為之解決以便各省有所遵循

議長 經資政院解釋始得解決今各省省議會都督席次不能仿照參議院大總統席次辦理各省都督性質本係行政長官祇能照

四十八號 本席對於周君之言稍有異議各省省議會都督席次不能仿照參議院大總統席次辦理各省都督性質本係行政長官祇能照

參議院國務總理席次辦理似稍妥當 二十八號附議

議長 王君之意各省都督到省議會席次可照參議院國務總理席次不能仿照 大總統席次諸君有無意見

七號 此兩說可以付之公決

議長 王君主張各省都督席次應照國務總理席次周君主張各省都督席次應照 大總統席次今先表決王君之說贊成王君之說者舉

手多數 則下開議案照議事日程

(一) 大總統諮詢各省應否自定省約法案 第一讀會

議長 政府委員應說明理由而今日政府委員並未出席可否即行討論

百零六號 此事可無須政府委員說明

七十五號 各省定約法不過南方四五省且有已定而並未頓布實行者本席對於省議會自定約法有數種理由(一)自武昌起義各省光

政府公報 附錄

六月初一日第三十二號

復舊有法律無不被毀為保障人民權利計故各省議會不得不自行定臨時省約法刻下參議院已成立中央臨時約法亦已頒布則各省約法已定者尚應取消豈有再令自定之理(二)中華民國為單一國非聯邦國若各省自定約法則與國體不合(三)各省自定約法與臨時約法必有衝突即此省與彼省所定亦必有衝突如何為標準(四)各省所定約法大率重在行政機關與立法機關之關係此舉時將來省議會法頒布後各省自無爭議至人民權利義務各項中央臨時約法已規定無遺各省何必再定致成贅文有此數種理由是各省萬不能自定約法本席前數日日本欲提出取消各省約法案今吉林省又欲自定約法甚屬非是參議院應一面阻止吉林不必自定約法一面將各省約法令其廢止本員意見如此

四十八號 本席對於省官之言其表同情然對於取消各省已定約法之說則稍有意見各省當破壞時代與前清政府關係斷絕民國政府尚未成立各省若不自定約法則無法守即無事可為故獨立省分自定約法乃必要之事至於刻下主張取消乃另一問題何時各省已定之約法既在參議院未成立約法未頒布之先則必須將各省統一之辦法發布後各省之約法始當然取消此時既無統一辦法即萬不能取消已實行之約法總之南北未統一以前已定之約法應繼續有效南北既統一以後各省即不能自定約法

五十六號 竹君所釋釋為臨時約法頒布後各省已定之約法當然不能存在王君所言係誤流一舉止消布後各省已定之約法始當然無效據本席意見王君所指之統一辦法是否為將來民國之憲法如係指憲法而言則臨時約法第五十四條中華民國之憲法由國會制定憲法未施行以前本約法之効力與憲法等約法即憲法各省已定之約法豈非當然在取消之列且約法最重要之點在官制刻下官制並未發表若各省自定約法則將來官制又難謀統一矣

七號 今日政府既未說明理由本席之意可以將此案付審查一俟審查後再行討論

八十一號 各省不能自定約法固也第北方各省既未被境此刻所組織之省議會或由路議局改設或就將議局推廣省以無章程之可遵行開會亦無從著手故要求自定約法以便有所依據本員之意如不許其自定約法即非參議院即刻速將各省約法規定不可若參議院即不能速定頒發又不準各省自定者議會豈非虛設依本員主張此時未經自定約法者亦不過數省何妨令其暫定臨時適用約法一俟中央

鑒定各省約法後再行一律取消本席意見如此

五十二號 金君之言稍有與會金君大抵指省議會而言至於約法乃中華民國全國之約法中央早已頒布即各省省議會法亦當然由中央頒布惟當中央尚未頒布省議會法之時各省省議會對於都督一切權限僅可暫時自定於省議會法中亦無須自定約法頃王君言侯中央頗定各省省約法始能取銷本席甚不贊成即以浙江而論所定臨時約法亦本有憲法頒布後即行取消之文中中華民國臨時約法第五十四條明規定約法効力與憲法等則既有中華民國約法各省前定之省約法當然均在取消之列

一百零六號 各省當然不能自定約法已不待言第各省流行甚多恐外人疑中國為保滿革命故速定約法以表明此次革命之目的在政治有兩種原因一以革命起事人民幾不知有立憲之說不知立憲則不知有法律故速定約法以便人民有所遵守當時此項約法本規定係中央政府成立憲法頒布後即歸無効刻下南北既已統一中央政府既已成立且臨時約法之効力與憲法等則此種約法已當然在取消之列已